

CYNGOR CAERDYDD

DEDDF SAFONAU A THREFNIADAETH YSGOLION (CYMRU) 2013

DARPARIAETH ANGHENION DYSGU YCHWANEGOL

YSGOL GYFUN GYMRAEG PLASMAWR

HYSBYSIR DRWY HYN yn unol ag Adran 42 Deddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion, fod Cyngor Caerdydd (sef "yr Awdurdod" o hyn ymlaen), ar ôl ymgynghori â'r bobl briodol ym marn y Cyngor, yn cynnig y newidiadau canlynol i Ysgol Gyfun Gymraeg Plasmawr Caerdydd, Pentrebane Road, Y Tyllgoed, Caerdydd, CF5 5PZ fel a ganlyn:

- sefydlu Canolfan Adnoddau Arbenigol 20 lle ar gyfer Anghenion Iechyd a Lles Emosiynol yn Ysgol Gyfun Gymraeg Plasmawr, yn yr adeiladau presennol.

Cynigir gweithredu'r cynnig o fis Medi 2024.

Cynhelir yr ysgol gan Gyngor Caerdydd ar hyn o bryd.

Cynhaliodd yr Awdurdod gyfnod ymgynghori cyn penderfynu cyhoeddi'r cynnig hwn. Mae adroddiad ymgynghori sy'n cynnwys crynodeb o'r materion a godwyd gan ymgynghoreion ac ymatebion yr Awdurdod a barn Estyn ar y newid arfaethedig ar gael i'w weld yma:

[Agenda'r Cabinet Dydd Iau, 21 Mawrth, 2024, 2:00 pm: Cyngor Caerdydd \(moderngov.co.uk\)](http://moderngov.co.uk)

Ar hyn o bryd, capasiti'r ysgol yw 1050 o leoedd ar gyfer plant 11 - 16 oed. Mae 195 o leoedd chweched dosbarth. Y nifer presennol o ddisgyblion yn yr ysgol yw 989 (11 - 16) a 179 (chweched dosbarth).

Nid oes unrhyw gynlluniau i newid polisi'r Cyngor ar dderbyn plant i ysgolion o ganlyniad i'r cynigion hyn.

Byddai derbyniadau i'r ganolfan adnoddau arbenigol yn cael ei reoli gan yr awdurdod lleol, yn amodol ar Gynllun Datblygu Unigol (CDU).

Byddai derbyniadau i'r ganolfan adnoddau arbenigol ar wahân i'r derbyniadau i'r brif ysgol a byddai'n ychwanegol at y Nifer Derbynn Cyhoeddedig (NDC).

Bydd unrhyw drefniadau ar gyfer cludo disgyblion i'r ysgol yn cael eu gwneud yn unol â pholisïau presennol yr Awdurdod ar gludo plant i'r ysgol.

O fewn 28 diwrnod o ddyddiad cyhoeddi'r cynigion hyn, sef hyd at 07 Mai 2024, caiff unrhyw berson wrthwynebu'r cynigion hyn.

Dylid anfon gwrthwynebiadau at y Cyfarwyddwr Addysg a Dysgu Gydol Oes, Cyngor Caerdydd, Neuadd y Sir, Glanfa'r Iwerydd, Caerdydd, CF10 4UW.

Gellir hefyd anfon gwrthwynebiadau at y Cyfarwyddwr Addysg a Dysgu Gydol Oes, Cyngor Caerdydd i'r cyfeiriad e-bost canlynol: ymatebionysgolion@caerdydd.gov.uk

Nodwch fod rhaid i unrhyw wrthwynebiadau o'r fath gynnwys enw llawn a chyfeiriad post yr un sy'n gwrthwynebu.

Bydd yr Awdurdod yn cyhoeddi crynodeb o unrhyw wrthwynebiadau o'r fath a wneir (ac nad ydynt wedi'u tynnu yn ôl yn ysgrifenedig) yn ystod y cyfnod gwrthwynebu, ynghyd â sylwadau'r awdurdod ar y gwrthwynebiadau hynny, cyn pen 7 niwrnod, gan ddechrau ar y diwrnod y penderfynir ar y cynnig.

Dyddiedig 10 Ebrill 2024

Llofnod: Leanne Weston
Dirprwy Swyddog Monitro Dros Dro
Cyngor Caerdydd

NODYN ESBONIADOL

(Nid yw hwn yn rhan o'r Hysbysiad ond ei nod yw egluro'i ystyron cyffredinol)

Mae Cyngor Caerdydd wedi ymrwymo i egwyddorion cynhwysiant. Mae'r rhan fwyaf o ddysgwyr ag Anghenion Dysgu Ychwanegol (ADY) yn mynychu ysgol brif ffrwd leol, ac yn elwa ar Ddarpariaeth Ddysgu Ychwanegol (DDdY) effeithiol. Nid oes angen i'r dysgwyr hyn fynychu ysgol arbennig na chanolfan adnoddau arbenigol.

Fodd bynnag, cydnabyddir, er mwyn ffynnu a chyflawni eu potensial, fod angen i blant a phobl ifanc sydd â'r anghenion dysgu ychwanegol mwyaf cymhleth gael mynediad i amgylcheddau arbenigol ac arbenigedd ysgol arbennig neu ganolfan adnoddau arbenigol. Mae nifer y disgyblion ag anghenion difrifol a chymhleth sydd angen lle mewn ysgol arbennig neu ganolfan adnoddau arbenigol wedi parhau i dyfu.

Mae'r Cyngor wedi ymrwymo i ddatblygu a chynyddu'r ddarpariaeth ymhellach ar gyfer dysgwyr oed cynradd sydd ag anghenion iechyd a lles emosiynol. Gallai hyn fod mewn darpariaeth llesiant dros dro sy'n cefnogi dysgwyr i barhau mewn ysgolion prif ffrwd, ac mewn darpariaeth arbenigol lle mae lleoliadau parhaol sy'n briodol.

Yn ogystal â'r cynnig ar gyfer Ysgol Gyfun Gymraeg Plasmawr, mae cynigion i sefydlu darpariaeth canolfan adnoddau arbenigol lechyd a Lles Emosiynol ar gyfer disgyblion oedran cynradd yn Ysgol Gynradd Baden Powell, Ysgol Gynradd y Tyllgoed, Ysgol Gynradd Herbert Thompson, Ysgol Gynradd Lakeside ac Ysgol Gynradd Springwood yn cael eu datblygu. Mae'r cynnig i ehangu Ysgol Cynefin (a elwid gynt yn Ysgol Arbennig The Court) sy'n darparu lleoedd lechyd a Lles Emosiynol ar gyfer disgyblion oedran cynradd hefyd yn cael ei ddatblygu.

O ran Anghenion Dysgu Cymhleth ac Awtistiaeth, mae cynigion i sefydlu canolfannau adnoddau arbenigol yn Ysgol Gynradd Coed Glas, Ysgol Gynradd Greenway ac Ysgol Gynradd Severn yn cael eu datblygu.

Gellir gweld manylion o'r cynigion hyn a chopïau o'r hysbysiadau statudol yn:

[Cynigion ac Ymgynghoriadau \(caerdydd.gov.uk\)](http://caerdydd.gov.uk)